


ՍԱՐԱԿԱՊ

Գյուղամիջում կա հին հիմնապատերի վրա վերջին դարերում վերակառուցված մի եկեղեցի՝ Ս. Աստվածածին անունով. եկեղեցու հարավային պատի մեջ, արտաքուստ, նորոգումների ժամանակ օգտագործվել են երեսպատման երկու արձանագրված քար. դրանք դրված են իրար կից և, ըստ երևույթին, բերվել են տվյալ գյուղի և Ձիթհանքովի արանքում բաց դաշտի մեջ գտնվող Ղրղխու կոչվող ավերակ վանքից: Ինչպես գրերի մեծությունները, այնպես էլ բովանդակությունը մատնացույց է անում, որ դրանք երկու տարբեր արձանագրությունների մասեր են. առաջին քարի գիրը պակասավոր է բոլոր չորս կողմերից, իսկ երկրորդի վրա առկա է առաջին տողի մի մասը:

28. Եկեղեցու հարավային խաչաթևի արևմտահայաց որմին, արտաքուստ, 4 տող.



...ԷՆ ՄԵԿՔ...ՐԴՐԱԼ... / ...ՇՆԱՐԻԱՏՆ ԹՈՂԱԲՐ... /
 ...ՋՄՈՋԷ ՄԱԻՐՆ ԵԻ... / ...ՋԳՐԵԱԼՍ ՄԵՐ ԽԱՓԱՆԷ՛Լ...

Ծանոթ. Հասկացվում է, որ ինչ-որ մեկը թողել է գյուղի շարիատ կոչվող հարկն իր մոր հիշատակին:

29. Նախորդից աջ, 5 տող.

...ԱՅՍ ՄԵՐ ԳԻՐ Յ... / ...ԱՊՈՒՂԱՄՐԻ
 ՄԱԳԻՍՏՐՈՍԻ... / ...ԱՄԻՐՍՊԱՍԱԼԱՐ
 ՇԱՅՆՇԱՅԻ... / ...Ր ԱԹԱԲԱԿ ԻԲԱՆԷԻ... /
 ...ՈՄԲՆ ՅԵՄԻ Զ...

Ծանոթ. Ապուղամր Մագիստրոսը հայրն է Անիի և Շիրակի արքեպիսկոպոս Գրիգորի, որը հիշատակված է 1213-1227 թթ. վիճադրերում: Աթաբակ Իվանեն գործել է XII դ. վերջին և XIII դ. առաջին երկու տասնամյակներում: Արձանագրության ժամանակը, հետևաբար, XIII դ. սկզբներն է:

Վերջին տողի գրերը կիսով չափ են և անկապակից: Գրչագիրը՝ վերևում: